

**mongk**



L.A. in HOLLYWOOD

## BUSY

ALL TAG GANI USE D POSCHT GA LÄÄRE  
ALL TAG GANI WIDER HEI  
ALL TAG ISCH KE BRIEF WO D BRIEFE WÄRE  
ALL TAG SÄG I MIR: OKAY – OKAY

ALL TAG ISCH DR KAFI NÜMM WAS ALBE  
ALL TAG BRUUCH I MEH DERVO – MEH MEH !  
ALL TAG ISCH DR TAG E TAG ALT HALBE  
BIS IG E CHLI BUSY BI

ALL TAG MUES IG ABER DE I D MIINE  
MACHE SE ZUM BÖSE SPIL  
ALL TAG GEIT ES ALL TAG UF DIE CHLYNE  
BIS IG E CHLI BUSY BI

BIS I E CHLI BUSY BI

BUSY BIS IG ÄNDLECH D LUFT A HALTE  
BI BUSY BIS I S WIDER GSEH  
ALL TAG WIRF I SCHLISSLECH  
D STIRN I FALTE  
U SÄGE MIR: OKAY – OKAY  
GOTT SEI DANK  
ISCH NID ALL TAG ALLTAG  
GOTT SEI DANK  
ISCH NID ALL TAG ALLTAG

ALLTAG ISCH ES WORT  
ZUM USEGRÄNNE  
ALLTAG ISCH E TAG GÄNG Z VIL  
ALL TAG TÄT I GÄRN DÄ ALLTAG DÄNNE  
BIS I WIDER BUSY BI

NID DASS D NE NID DEHEIM HÄTTSCH  
GHA,  
DER FILM - UF VIDEO  
DOCH IRGENDWIE ISCH S FASCH  
REALER  
SO REAL U SO  
U DARUM HESCH DU GSEIT  
DU GEISCH ZUM FILM

EINISCH WOSCH ES GSEH  
EINISCH WEISCH DE MEH  
EINISCH GEISCH DU EIFACH WYTER  
MIT DER STRASS UND EIFACH  
WYTER  
EINISCH WOSCH ES GSEH  
EINISCH GEISCH GRADUUS  
U DE ZUM FILM

UND ITZ – WAS ISCH ?  
DU HALTISCH D KLASPE  
SCHWIGSCH U BISCH SCHO FROH  
WENN ME DIR DÄ JOB DA LAHT  
- UND KAFI CHOCHSCH DU O !  
NID DARUM HESCH DU GSEIT  
DU GEISCH ZUM FILM !

EINISCH HESCH ES GSEH  
EINISCH WEISCH DE MEH  
EINISCH GEISCH DU EIFACH WYTER  
MIT DER STRASS  
UND EIFACH WYTER  
EINISCH HESCH ES GSEH  
EINISCH GEISCH GRADUUS  
UND USEM FILM

## HOLLYWOOD

DAS HOLLYWOOD HESCH DU DIR ANDERS  
VORGSTELLT WO D BISCH CHO  
MEH ESO CHLI PALME  
U CHLI STARS DRUNDER U SO  
U DARUM HESCH DU GSEIT  
DU GEISCH ZUM FILM

## EVEREST

I BI OBE UF EM BÄRG  
I BI DR HÖCHSCHT MÖNSCH UF DR ÄRDE  
I BI OBE UF EM BÄRG  
UND I WETT NIENE ANDERS SY  
UND I BI OBE UF EM BÄRG  
I WÜSSTI NÜT WAS NO CHÖNNT WÄRDE  
I BI OBE UF EM BÄRG  
UND ES ISCH ALLS SO WYT UND CHLY

DR STURM RÜEFT S VOR DE OHRE USS:  
DU HESCH S WÖLLE, ALSO ZAHL S !  
SINN UM SINN ERFROHRE  
HEY, DAHIE HESCH NÜT VERLORE  
NEI – DAHIE VERLIERSCH DU ALLS

DA OBE UF EM BÄRG  
I BI DR HÖCHSCHT MÖNSCH UF DR ÄRDE  
I BI OBE UF EM BÄRG  
UND I WETT NIENE ANDERS SY  
UND I BI OBE UF EM BÄRG  
I WÜSSTI NÜT WAS NO CHÖNNT WÄRDE  
I BI OBE UF EM BÄRG

U DR SCHNEE ISCH SANFT  
UND BETTET MI  
I WEICHI WATTE Y  
I GSPÜRE NÜT VO CHALT  
IM FUNK RÜEFE DIE STIMME  
WO DA MIT EM WIND MITSINGE  
UND I FINGE: 'NU, DE HALT  
I FINGE: 'NU, DE HALT !

## LUGANO – SITTEN

LUEG A: NO SITTEN !  
LUEG A: NO SITTEN !

LUE MAL DIE LÜT, DIE CHLY FAMILIE  
I DÄM ABTEIL VIS-À-VIS  
NEI, DU MUESCH NID GRAD  
ÜBRE SCHILE  
MOU - ITZ GLOUB GSEH SI S NID

LUEG A: NO SITTEN !

LUE MAL DAS CHING UND UF DÄM BANK  
U NIEMER FRAGT ÖBS STÖRT  
UND ITZ MUESCH LUEGE: JEDE GSEHT'S  
UND NIEMER ISCH EMPÖRT

LUEG A: NO SITTEN!  
FORBIDDEN! – HESCH GHÖRT ?

U REDE SONES CHUDERWÄLTSCHE  
NEI – HOLLÄNDISCH ISCH DAS NID !  
UND LUEG ITZ MAU: ITZ LUE DÄ BUEB  
– DR VATTER GRYFT NID Y !

LUEG A: NO SITTEN !  
NO SITTEN – LUEG A !

LUEG A: NO SITTEN...  
U DS REISE ZIEHT SICH FANG  
LUEG A: NO SITTEN...  
BIS DE ÄNDLECH  
– AMSTERDAM !

LUEG A: NO SITTEN !



## A

DA WACHSCH UF AM MORGE  
MIT DR BEUNRUHIGENDE ERKENNTNIS  
ES ARSCHLOCH Z SY  
UND UF EINISCH BISCH  
NÜMM SO DR SCHWAN  
DA WACHSCH UF AM MORGE  
MIT DR BEUNRUHIGENDE ERKENNTNIS  
ES ARSCHLOCH Z SY  
U POSITIV GSEH CHASCH DA LANG !

IM SPIEGEL GSEHSCH NO GLYCH US  
DR PASS ISCH DÄ WO GÄNG  
U D BLUETGRUPPE ISCH RHESUS  
U DS BIIS PASST ZU DE ZÄNG

DA WACHSCH UF AM MORGE...

UND ÖPPIS ISCH HÜT ANDERS  
U D NASE ISCH ES NID  
BIS HÜT HÄTTSCH NID ERAHNET  
DASS ES ÜBERHOUPST SO MÖRGE GIT

DA WACHSCH UF AM MORGE...  
UND UF EINISCH ISCH  
ALLS NÜMM DR WAHN

DI SCHRITT ISCH NÜMM SO SICHER  
DIS GSICHT ISCH E CHLI BLEICH  
IM NORMALFALL WÄRISCH FRÄCHER  
U FÄNSCH ES EIFACH  
– FÄNSCH ES EIFACH SEICH

DOCH DA WACHSCH UF AM MORGE  
MIT DR BEUNRUHIGENDE ERKENNTNIS  
ES ARSCHLOCH Z SY  
UND IRGENDWIE ÖPPIS ISCH DRAN  
DA WACHSCH UF AM MORGE  
MIT DÄR BEUNRUHIGENDE ERKENNTNIS  
UND SCHICKSCH DI DRY  
DOCH IRGENDWIE FÄHLT ES AM FUN...

## 2 SCHRITT ZRÜGG

SI HET MIR GSEIT ES SYG US  
ES SYG ALLES I SCHÄRBE  
HA NID GFRAGT WAS GENAU  
SI DA DERMIT MEINT  
SI HET MIR GSEIT I CHÖNN GA  
I SÖLL GA ÜBER D BÄRGE  
HA SE GFRAGT ÖB I SÖLL  
– SI HET'S NID VERNEINT !

SO NIM IG A, DASS SI WOTT,  
DASS I GA UND I GANGE  
U WÄNDE MI SO VO MIM EINZIGE GLÜCK  
ES SYG ZYT, NÜMM DR ZYT  
VOR DR ZYT NACHE Z HANGE  
SEIT SI, PRO SCHRITT  
GÖH MIR ZWE SCHRITT ZRÜGG

MIR GANGE EI SCHRITT FÜRE  
NUME EI SCHRITT FÜRE  
UND ZWE SCHRITT ZRÜGG  
MIR GANGE EI SCHRITT FÜRE  
– ZWE SCHRITT

ITZ BIN I DA UF EM WÄG  
UF DÄM WÄG ÜBER D ALPE  
U FINGE, ES BRING E KE FREUD  
UND KE SPASS  
ÜB'RE SINN VO DR REIS  
BIN I GRAD E CHLI GSPALTE  
ES BLAST MIR E WIND  
UND ES SCHIFFET NASS  
WEISS NID WIE LANG  
I EFANG GÄGE RÄGE A TSCHALPE  
I GANGE E SCHRITT UND I HASSE DAS:

I GANGE EI SCHRITT FÜRE UND ZWE SCHRITT  
ZRÜGG

WEISS NID WIE LANG DASS I DA  
SCHO EM TOBEL A STANGE  
VOR MIR NUME LOCH  
ABER DRÜBER KEI BRÜGG  
EMEL GRUND GIT ES GNUE  
U SO DRÄI IG MI EFANGE  
DOCH LEIDER GIT S MI ITZ ÄBE  
NÜMM AM STÜCK

WÜLL I BI EI SCHRITT FÜRE  
UND ZWE SCHRITT ZRÜGG





## WÜRM WO DA BADE

I BI DOCH E FORÄLLE  
SO FISCH I FISCH CHA SY  
I GNIESSE JEDI WÄLLE  
UND I SPRÜTZE GÄRN DERBY  
DA HEI SI MI DU GWARNET  
VOR WÜRM WO DA BADE – MANN !  
SO WÜRM WO DA SO BADE,  
DA HEIG S E HAAGGE DRAN

BI DÄNE WÜRM WO DA BADE, MANN

UND I SCHWÜMME UM DÄ HAAGGE  
UND I GSEH U GSEH KEI WURM  
DA HEI SI EIM DOCH GWARNET  
UND SI MACHEN EIM GANZ STURM

MIT DÄNE WÜRM WO DA BADE, MANN

VOWÄGE S HEIG E HAAGGE,  
ME WÄRDI S DE SCHO GSEH  
JA KLAR – DÄ HAAGGE GSEHN IG,  
NUME WÜRMER GSEHN I KE !

I REDE VO WÜRM WO DA BADE, MANN

SÖLL I DÄ HAAGGE BYSSE  
ODER MACHT S NUR HALB SO SPASS ?  
I HÄTT SE SÖLLE FRAGE  
WÜLL E KEINE SEIT EIM DAS  
DIE CHÖI JA SCHO PRALAAAGGE  
E WURM SYG S NID DERWÄRT  
I BYSSTI GÄRN DÄ HAAGGE  
WE S EINE DRANNE HÄTT !

VO DÄNE WÜRM WO DA BADE, MANN

## TRUEBER

HET'S DÄNE ÄTTI NID YBLÖIT ?  
- ISCH ÄTTI NÜMM AM TISCH  
DE GEIT E BUEB VO TRUEB I D WÄLT  
WENN S NID E JÜNGSTEN ISCH

E BUEB VO TRUEB  
DÄ GEIT I D WÄLT ELEI  
E BUEB VO TRUEB  
DÄ NIMMT SICH D WÄLT ELEI  
E BUEB VO TRUEB  
DÄ GEIT I D WÄLT ELEI  
VOGELFREI  
DR JÜNGST DÄ BLIBT UF HOF UND HUUS  
DIE ANDRE GÖ MIT GOTT  
UND DÄ MACHT KEIM E SCHADE DRUS  
WO SCHAFFIG WÄRCH E WOTT

E BUEB VO TRUEB  
DÄ GEIT I D WÄLT ELEI...  
E BUEB VO TRUEB  
CHUNNT GSCHYDER NIE MEH –  
E BUEB VO TRUEB  
CHUNNT BESSER NIE MEH HEI !

S ISCH ARME-BANN IM TRUEBERLAND  
SI VERSCHACHRE IHRI SÖHN  
WO ZRÜGG SY CHO MIT HOHLER HAND  
- UND DAS ISCH NID GRAD SCHÖN !  
WÜLL TRUEBER GIT S  
WIE SAND AM MEER  
VERSTRÖIT IR HALBE WÄLT  
U STÖH SI VOR EM TOR  
– BHÜET GOTT DEVOR ! –  
WEI SI A TRUEBERS GÄLD...

E BUEB VO TRUEB  
DÄ GEIT I D WÄLT ELEI...  
E BUEB VO TRUEB ISCH  
– WENN DAS D TRUEBER WEI –  
VOGELFREI

## LISA LOS LA

LISA LOS LA  
LISA LOS LA  
LISA LOS LA ISCH NID LIECHT

SO STELL SCHO MAL DR CHRAGEN UFE  
S WIRD FRÜELIG UF DER GASS  
ÜBERALL SI - UND DÜRESCHNUUFE  
LUE DIR UF D FÜESS  
VERGISS DÄ HUUFFE  
PAARHUFER UF DR STRASS

LISA LOS LA...

HESCH NO DR WINTER I DE CHNOCHE  
HÄTTSCH NE GÄRN FÜR MEH  
DENN HESCH DU AM NE ÄNGEL GROCHE  
ER ISCH UNDER DI DECHI GCHROCHE  
U GGANGE MIT EM SCHNEE

LISA LOS LA...

E BALLOON DAS ISCH E HUT  
E HUT UND LUTER NÜÜT ISCH DRIN  
E BALLOON DÄ TREISCH DU  
BIS ER PLATZT NÄB HÄR

E BALLOON DAS ISCH E PLATZ  
WO NID HET PLATZ GHA I DIR IN  
U WE DIE HUT FÄHLT ISCH DA ALLES  
LUTER LÄÄR

## DR TAG

SI HET SICH NID  
FÜR DI SCHÖN GMACHT  
S GEIT NID UM DI  
S GEIT NID UM D NACHT  
S GEIT GANZ ELEI UM SI  
AM NÄCHSCHTE MORGE  
U VILLICHT STELLT SI D BLUEMEN Y  
U VILLICHT LAHT SI S OU LA SY  
UND STRÖIT SE UFE WÄG  
ZU IHREM SCHLAG

O DU BISCH NID VO NIENE CHO  
UND EINE SINGT IM RADIO  
VO ALL DÄM WO ISCH GSY  
UND DRUS SYG WORDE  
DOCH WENN DU MORN NO NÄB'RE LIGSCH  
DE WEISCH DASS D GÄRN  
FÜR LÄNGER BLIBSCH UND SEISCH:  
CHUMM, MIR VERFÜEHREN ÜS DR TAG !

U VILLICHT ISCH ES GUET ESO  
DASS DU NO GAR NID HESCH VERNOH  
WAS SI SCHO LÄNGSCHT  
HET ABGMACHT MIT DÄM MORGE  
SI HET SICH NID  
FÜR DI SCHÖN GMACHT  
— SI ISCH ES !  
UND SO WIE DIE NACHT, SEIT SI,  
CHUMM, SO VERFÜEHRE MIR DR TAG !

## WIRF E STEI

WIRF E STEI  
U DU TRIFFSCH E KÜNSCHTLER  
EGAL WOHII, ES ISCH GÄNG EINE DERT  
WIRF E STEI  
U DU TRIFFSCH E KÜNSCHTLER

JOHANN WOLFGANG AMADEUS  
LUEG DERE SACH I DS GSICHT:  
DU CHASCH DI NO SO SEHR VERRÄNKE  
ZÜÜG USDÄNKE  
I MUES DI CHRÄNKE:  
S ISCH NIEMER DRUF ERPICHT

WÜLL, JOHANN WOLFGANG AMADEUS:  
DINI BESCHEHRIG HOLT KEI VALUE  
KEI SCHÄMPIS STEIT PARAT  
WE DI D MUUSE WEI VERNASCHE  
ISCH ES E MASCH  
ISCH ES SCHO FASCH  
ES FIISES ATTENTAT

WÜLL, JOHANN WOLFGANG AMADEUS:  
WIRF E STEI U DU TRIFFSCH E  
KÜNSCHTLER...

JOHANN WOLFGANG AMADEUS  
NEI, D JURY ISCH NID FAIR  
DINI BRANCHE ISCH ÜBERLOFFE  
ABEGSOFFE, LAHT NID HOFFE  
DI GIT'S WIE SAND AM MEER !

WÜLL, JOHANN WOLFGANG AMADEUS:

WIRF E STEI  
U DU TRIFFSCH E KÜNSCHTLER  
EGAL WOHII, ES ISCH GÄNG EINE DERT  
WIRF E STEI  
U DU TRIFFSCH E KÜNSCHTLER

— WIRF E STEI U WIRF HERT !

## GUET US

DU GSEHSCH NÄB IHM GUET US  
WIE E SUNNE  
WIE DU GUET USGSEHSCH  
NÄB JEDEM MAA  
UND DASS ÄR GUET USGSEHT  
BEGRYFFT ME  
DU HESCH DIR E NÖJI KURVE GFUNGE  
UND ES HÄRZ WO HÄRZ HET  
BLIBT NID STAH  
DU GEISCH DI WÄG UND KENNSCH NE  
BESCHTENS SCHRITT FÜR SCHRITT

DU MACHSCH ÄBE ALLES E CHLI ANDERS  
ALS ANDRI U FYRISCH Z GA  
- MEH ALS ES MÄNGI FYRET A Z CHO

UND I LIEBE DI FÜR DS ANDERS  
UND I LIEBE DI FÜR NID Z VERHAA  
SO SÖLL DER WIND DOCH BLASE !  
DU GEISCH QUER DR NASE NA...

DU MACHSCH ÄBE ALLES  
E CHLI ANDERS...

U WENN DI DS GLÜCK SCHO FINGT,  
SO FANG DIR'S  
UND FANG NO EINISCH A  
UF EMNE ANDRE WÄG FÜR A Z CHO  
UF EMNE ANDRE WÄG VORAA Z CHO  
UF EMNE ANDRE WÄG FÜR A Z CHO







**mongk** herzt alle illustren Gäste & Mitwerkler, Rolf Schlup, Claudia Boggio, Beat Kaufmann, Robert Grimmer & Daniel Stöckli für s Fädeln, Pesche Leu für die grosse, Urs Schüpbach für die mittlere und Schämpus JetLäg für die kleine Stube, Bazi @ Musik Althaus für s Salben, Gino Bonafini für Infra, Struktur & Coaching, das KuBü für die Höchststrafe, Philip Karger für Flüssiges, Beat Renggli & Hans Minder für Trueber-Recherche, Miriam Jenni für Äptisches, Tama-Drums & Zildjian-Cymbals für Ueli Enderlis Draufhaun mit Agner Sticks, Freunde & Familien für s freundliche Familien, sowie sämtliche Inspirator(inn)en von A wie Andrea Vogel bis Z wie Zuhörer.

### **Songs: Dänu Brüggemann**

(ausser Musik „2 Schritt zrügg“: Krizz / Dänu Brüggemann)

**Arrangements & Produktion: Pesche Enderli & mongk**

mongk:

**Dänu Brüggemann:** Voc., Tasten, Ak.Git.

**Pesche Enderli:** Bass

**Ueli Enderli:** Drums

Gastmusiker:

**Pat Berns:** Back.Voc.

**Mario Capitanio:** E.-Git.

**Cheese:** E- und Ak.Git auf „Dr Tag“, „Wirf e Stei“

**Hape Brüggemann:** Hammond auf „Trueber“

Fotos: Eve Kohler

Bildmontage & Layout: Dänu Brüggemann

© & © mongk 2013



# **mongk** L.A. in HOLLYWOOD

1. BUSY 2:42
2. HOLLYWOOD 4:02
3. EVEREST 3:33
4. LUGANO-SITTEN 3:33
5. A 3:30
6. 2 SCHRITT ZRÜGG 3:47
7. WÜRM WO DA BADE 3:17
8. TRUEBER 4:31
9. LISA LOS LA 4:38
10. DR TAG 3:20
11. WIRF E STEI 3:22
12. GUET US 3:25

